

# 1. UVOD

Osnovna funkcija finansijskih izvještaja je da na najbolji i najtačniji način opišu stanje i poslovanje jednog preduzeća.

Finansijska analiza se bavi istraživanjem i kvantificiranjem funkcionalnih odnosa koji postoje između pozicija bilansa stanja i uspjeha, kao i utvrđivanjem stanja gotovine preduzeća.

Ove analize su, dakle, zasnovane na bilansima kao i izvještaju o novčanim tokovima preduzeća i usmjerene su na ispitivanje finansijskih položaja, aktivnosti i rentabilnosti poslovanja preduzeća. Naglasak je na poslovnom rezultatu kao i riziku poslovnih prihoda i rashoda. Stoga je knjigovodstvo najvažnija podloga analize poslovanja preduzeća.

Diplomski rad se sastoji od 5 poglavlja:

- Prvi dio, tj. uvod tiče se pojma i ciljeva finansijskih izvještaja. Daje uvid u osnovno značenje finansijskih izvještaja.
- Drugi dio govori o konkretnim zadacima finansijskih izvještaja. Tiče se njihove primjene kao i onog dijela koji objašnjava sastav finansijskih izvještaja. A to se odnosi na bilans stanja i uspjeha te tokove gotovine.
- Treći dio je usmjeren na pokazatelje koji su zasnovni na finansijskim izvještajima a to su: pokazatelji zasnovani na bilansu stanja i uspjeha, te pokazatelji likvidnosti, solventnosti, zaduženosti...
- Četvrti dio govori o predviđanjima, odnosno metodama koje se bave predviđanjima na temelju finansijskih indikatora. Konkretno radi se o Altmanovom Zeta modelu.
- U petom, posljednjem dijelu sam predstavio primjer Zeta modela sačinjen na bazi bilansa stanja i uspjeha.